

sive gradus. nam; 1. Satisfactio Christi non fit quotidie. Applicatio meriti Christi fit quotidie. Ergò applicatio meriti Christi, non est satisfactio Christi. Major patet: Semel enim Christus oblatus est, ut expiaret peccata multorum Heb. 9, v. 28. & unicâ oblatione perfectos effecit in perpetuum eos, qui sanctificantur cap. 10, v. 14. 2. Satisfactio pro mundi peccatis est actio una numero Heb. 9, v. ult. Acquisitio & applicatio meriti Christi non sunt actio una numero. Ergò acquisitio & applicatio meriti Christi, non sunt satisfactio Christi. Minor patet ex Syllogismo præcedente. Si igitur applicationem meriti Christi sejungas ab ipsâ satisfactione (*ut svadent allata rationes*) sequetur satisfactionem consistere in sola meriti acquisitione; quæ æqualiter competit electis & reprobis: Hinc ita: Acquisitio meriti Christi æqualiter competit electis & reprobis. Satisfactio Christi est acquisitio meriti Christi. Ergò satisfactio Christi æqualiter competit electis & reprobis. & consequenter *Christus non aliter satisfecit pro electis sive ovibus, aliter pro reprobis sive hircis.*

§. 10. Ulrimò notandum, non esse *Peccatis* æquè latè parentes, satisfacere pro aliquo, & Salvatorem esse alicujus; illa enim loqvutio solam meriti Christi acquisitionem; hæc meriti Christi & acquisitionem & acquisiti applicationem designat. Concedimus ergò, Christum alio modo dici posse Salvatorem electorum, alio modo reproborum; illorum quidem, quia salutem ips & acquisivit, & per fidem applicavit, horum verò tantum ideò, quia salutem ipsis acquisivit, quam ob incredulitatem applicare ipsis non poterat, quod applicationem illam fidei conditione circumscripsisset: Quod autem possit dici aliter satisfecisse pro electis & aliter pro reprobis, id negamus; quia satisfactio Christi, & meriti Christi acquisitio pari latitudinis passu ambulant, & retro comitant.

§. 11. Tandem nec silentiî nube condendum; phrasin hanc (*Christus aliter satisfecit pro electis aliter pro reprobis*) à quibusdam Calvinianis usurpari. ita enim scribit *Gviliel. Perkinsus in tractatu de prædestinationis modo & ordine, mihi pag. 70. Secundò respon-*